

黔書

卷之八

書

嘗考讀古今輿圖地理之書所載山川之隆窪財賦之豐尚與
夫士馬甲兵人材風俗之備詳誠有資於治術矣而文采則不
足及觀歷代詞人才子賦名都言井里擷蟲魚草木之華多宮
闕城郭之盛極其偉麗矣至於攬景物之蕭條感變聲之衰颯
亦復淒涼悲慨嚼徵含商然以語於治之得失民之休戚則概
未之及也蓋著述之不能相兼如此今讀中丞蒙齋先生黔書
則不然先生之書蓋專爲治黔者法也黔地居五溪之外於四
海之內爲荒服其稱藩翰者未三百年其地尺寸皆山欲求所
謂平原曠塹者積數十里而不得袤丈其人自軍屯衛所官軍
戍卒來自他方者雖曰黔人而皆能循其故鄉無不自稱爲寓

客其真黔產者則皆苗獍犵狁之種劫掠仇殺獷悍難馴易於負固其土田物產較他方之瘠薄者尙不能及十之二夫以黔之地之人之不可倚以守也如彼其土田物產之無可利賴也如此夫國家亦何事於黔哉吾聞先生之言曰無黔則粵蜀之臂可扼而滇楚之吭可扼國家數十年來亦知荒落之壤無可供天府之藏猶且曰仰濟於他省歲糜金錢而不惜者懷柔之術固如是也然則黔治則有與之俱治者黔亂則有與之俱亂者先生以英偉之才深沉之識身處其地知之審慮之周矣故其爲書於所以致治而防亂者三致意焉循里之險易必詳之所以謹慎伺嚴往來也山谷之紆曲者徑遂者必分別誌之所以慎封守飭固圉也夫治蠻徼者審其地利察其人情始焉必

無以啟之而繼焉必有以制之慎稽其出入之門戶熟悉其黨
與之離合防其詭塞絕其勾連禁其剽掠審其器械材力之長
短利鈍而善禦之所謂有以制之者也使之相安於其習俗相
樂於其燕閒羣苗勿驚於擾索土司勿困於誅求所謂無以啟
之者也故先生之書既重於嚴兵守土而尤重於羈縻撫綏每
於前人定亂服叛之舉其不事張皇不煩兵革者必津津書之
以爲前事之不怠後事之師此先生所以治黔而即可永爲治
黔之法者也雖然先生之爲是書又不獨以經濟自負也蓋其
英偉之才深沉之識具雄奇而擅輿博者又實爲詞人學士之
宗凡黔之草木山川人材土物皆幸有先生以發其菁英而提
其藻麗是故椎髻刻木皆可入王會之圖也踏月吹笙皆可作

名都之賦也飛雲白水之瀑可以媲美於台廬也濟火關索之名可以核實於紀載也牡丹之花並於洛陽渥洼之產雄於冀北以及丹砂卉革硃硯雄黃之屬皆豔稱而悉數之使人之視黔以爲名邦以爲樂土慕而安之美而賦之蓋不欲使天末一隅爲曹鄴之無譏于季札且將如吳蜀之見賦於左思先生之於黔不亦思深而意長乎後之讀是書者旣賴以治黔而又資其餘材以考據史傳乞靈詞賦則是書也豈獨與爾雅方言與夫稽含之狀鄺元之注同日而語哉至於龍場之祠詔尊昔先民而不以異同相詆訾則尤崇獎激厲之盛心矣嘉炎來黔受其書而讀之不禁快然曰是書也經濟文章任人之攜取而各傳所謂仁者見之謂之仁智者見之謂之智者也蓋著述之兼

蒙齋說

德州田綸霞先生由撫吳徙鎮黔中自號曰蒙齋而屬余爲之說余考易之蒙卦上艮下坎坎之陽爻爲九二其辭曰包蒙吉艮之陽爻爲上九其辭曰擊蒙利禦寇蓋九二以一陽爲內卦之主統治羣陰繫之以包有含容之義含容者非徒事於穽將以教思爲涵育者也上九以剛居上治蒙過剛繫之以擊有奮

青爲本不得已而時至事起則變以革之故有內外之分焉而
序卦亦云蒙者蒙也物之穉也物穉不可不養也然則包之者
最先擊之者始後義固有不可易者先生自吳來黔黔之民盡
蒙之甚者也菴愚闇塞而弗率厥迪者有之桀驚而不可馴者
有之先生曰吾以身處乎蒙之中而與之相習然後可以無所
拒無所不容以爲之包而可無所事於擊蓋擊蒙者任才而包
蒙者必先任德上之過剛誠不若二之剛中也而蒙之義全矣
故先生之治黔率義之以寬而人皆革面舉而措之天下亦猶
蒙也然則先生殆精於蒙卦之義而乃以蒙自命者也耶若夫
以養正爲聖功者註疏云懷德於隱使人莫能測其淺深先生
誠有之而豈余之所能淺窺乎或曰童蒙求我初筮告先生

於此殆文有虛懷好問之義焉是說也亦當質之於先生浙西
嘉炎又題



明倫彙編 家範典 孝親部 卷一

黔書

上卷目錄

不列建

設科

軍事通判

苗蠻種類部落

黔風

方言

平亂

鹽價

救火

祥河江

新津河回

改隸

定驗

苗俗

上官

治苗

積穀

米價附

禳火

山水

山水與小民具知

紫池

今書目錄

關索嶺

葛鏡橋

鐵鎖橋

大相見坡小相見坡

白雲山

扁鹊泉

賦附

白水巖

柳阮

象冢

涵碧潭

飛雲巖

雙井

碧雲洞

東山

甲秀樓

下卷目錄

人物名宦

孫文泰郭青樓記附

濟火

武鄉侯祠

神武祠碑

香

詹廣文

許長史

陽明書院

淮陰侯後

張三

月溪

南霽雲康保裔

黑神廟

夏國公祠

碑

水西馬烏蒙馬

革器

朱砂

賦附

硃硯

雄黃

菰蘆

印竹

石花

脆蛇

蜜筒柑

藥幣

蘆筍

藝草

凱里鉛

羊桃藤

雞璇

刺梨

蓮

紅梅丹桂

五九菊

魚

武侯錦

鹿

虎

紙

石

砂牀

斷腸草
斷腸鳥

牡丹

紫薇

蠶毒

瘡瘍

旱

竹米

螞蟥

士飯

芝妖

人通馬語馬通人語

黔士制義附記

補土師錦

補

補

補

人獸易補

補

補

黔書

牂建

濟南

田雯蒙齋

編

貴州之得名始於元前此則梁州鬼方靡莫黔中牂牁羅甸羅施羈縻州也至元十六年諸蠻降置八番羅甸等處軍民宣慰使及都元帥府於貴州是以有貴州之名也厥後相沿而勿改明洪武中設貴州思南三宣慰而別設都指揮使司於貴州領貴州衛貴州前衛龍里新添平越清平興隆都勻威清平壩普定安莊安南普安赤水畢節永寧烏撒十八衛安南安籠平彝樂民摩泥普市白撒阿落密黃平九千戶所永樂十一年廢思南思州宣慰司始設貴州等處承宣布政使司以蔣廷瓚